



Fasnacht




2007

D'Oehri isch e liebi Frau,
e hänzigs Gsichtli het si au.
Het immer scheeni Glaider aa
und dehai e ryyche Maa.
Dr FCB dä isch's nit wäärt,
denn so ne Frau die gheert an Häänd.

Dr Pegoraro iire Maa
isch (a)sozial, me seht em's aa.
Är verdailt, was iin nit steert,
e Huffe Gäld wo iim nit gheert.
Au d'Calmy Rey die macht's eso,
nur die muess nit in d Kische go.

E Bebe Vårs:



Das wärs!

Oh Barbara, oh Barbara,
am Huus sinn Ziegel nimme dra.
Sit s'letscht mol z'Basel gschittlet het,
schloof ich im Wald und nimm im Bett.
Oh Barbara, oh Barbara,
wäg Dir sinn Ziegel nimme dra.
Oh Barbara, oh Barbara,
bi minere Frau kumm ich nimm dra.
Denn wenn ich z'Oobe ebbis wett,
ligg ich im Wald und nimm im Bett.
Oh Barbara, oh Barbara,
was duesch denn Du mir schreggligs aa.

Al Kaida la la la
Gazastreife tra la la
Quantanamo bla, bla, bla, bla,
Babscht, Koran, Amerika
E so töönt's denn, mir hänn's probiert,
wenn mr dä Vårs do zensuriert.

My Sohn dä will z'Nacht nimm ins Bett,
hogg lieber vor em Internet.
Dert luegt är blutti Fraue aa,
das erregt schyyns jeede Maa.
Au d'Schuel die syg dr gröschti Hit
well's dert jetz (frieh)-Franzesisch git

Blocher isch no voll im Saft,
d'SP het en nonig gschafft.
d'FDP het au kai Macht,
und „Grieni“ nimmt är sich zem Znacht.
S'ainzig wär, dass är verschriggt
und am e Läggerli verstigt

My Frau das macht mi ganz perplex,
stoot nimme uff dr Bliemlisex.
Drumm probier ych voller Schwung,
am Nomidag e Kaschtesprung.
Doch laider duet my Bett nimm heebe
und z'Basel gschpyirt me s'näggschte Beebe.

Jä unseri Regierigsrööt
sinn alli zämme, dien si blööd:
Dr Albdraum vo dr Barbara
s'will niemerts s'Stadtcasino ha.
Dr Christoph Eymann isch im Stress,
erklärt de Schieler MMS.
Und dr Lewin, s'isch bekannt,
kennt z'Basel jede Asylant.
Dr freysinnig Hanspeter Gass,
schänggt jedem no e Schwyzer-Pass.
Bim Conti do lauft alles rund,
mir frooge'n is, isch dä no gsund?
D'Herzog die hett's richtig drillt
und mit de Buesse d'Kasse gfillt.
Dr Morin dä sait kurz und gnapp,
wär mir im Wäg isch, schiess y ab.
Bi dääne siibe do lauft mee,
als zur Zyt bim FCB.

www.staubwolgge.ch